

## ქ. თბილისის მერია



კონკურსის მეშვეობით ქ. თბილისში, ქუჩის მიმართულებისა და ნუმერაციის აღმნიშვნელი  
მაჩვენებლების ესკიზის შესყიდვა

წინამდებარე საკონკურსო პირობები შედგენილია „სახელმწიფო შესყიდვების შესახებ“  
საქართველოს კანონისა და „კონკურსის მეშვეობით საპროექტო მომსახურების სახელმწიფო  
შესყიდვის პირობებისა და წესის დამტკიცების შესახებ“ სახელმწიფო შესყიდვების სააგენტოს  
თავმჯდომარის 2011 წლის 10 თებერვლის №3 ბრძანების საფუძველზე

ქ. თბილისი

2013 წელი

## საკონკურსო განცხადება

1. ქ. თბილისის მერია (მის: ქ. თბილისი, ჟ. შარტავას ქ. N7), ქ. თბილისის ბიუჯეტის სახსრებით აცხადებს კონკურსს ქ. თბილისში, ქუჩის მიმართულებისა და ნუმერაციის ადმინისტრაციული მარცვნილებების შესყიდვას და იწვევს კონკურსში მონაწილეობის მისაღებად ყველა დაინტერესებულ პირს (როგორც ფიზიკური, ასევე იურიდიული პირი).

### 2. შესყიდვის ობიექტი :

- **ლოტი I** - ძველი თბილისის რაიონში ქუჩის მიმართულების ადმინისტრაციული მარცვნილებების (დგარით) შესყიდვა.
- **ლოტი II** - ძველი თბილისის რაიონში ქუჩის ნუმერაციის ადმინისტრაციული მარცვნილებების შესყიდვა.
- **ლოტი III** - ქ. თბილისის დანარჩენ რაიონებში ქუჩის მიმართულების ადმინისტრაციული მარცვნილებების (დგარით) შესყიდვა.
- **ლოტი IV** - ქ. თბილისის დანარჩენ რაიონებში ქუჩის ნუმერაციის ადმინისტრაციული მარცვნილებების შესყიდვა.

3. კონკურსის მიზანია - ქუჩის მიმართულებისა და ნუმერაციის ადმინისტრაციული მარცვნილებების შესყიდვა.

4. საკონკურსო პრემიის (მათ შორის შესყიდვის შედეგის და საავტორო უფლებების გადაცემის) ოდენობა ლოტების მიხედვით შეადგენს (ბიუჯეტთან ანგარიშსწორებას უზრუნველყოფს შემსყიდველი):

- **ლოტი I** - 1500 ლარი;
- **ლოტი II** - 1000 ლარი;
- **ლოტი III** - 1000 ლარი;
- **ლოტი IV** - 500 ლარი.

5. დაინტერესებულმა პირებმა საკონკურსო წინადადება (ერთ დალუქულ კონვერტში) და საფასურის გადახდის დამადასტურებელი დოკუმენტი უნდა წარმოადგინონ 2013 წლის 18 მარტის 10:00 საათიდან 2013 წლის 29 მარტის 12:00 საათამდე შემდეგ მისამართზე: ქ. თბილისი, ჟ. შარტავას ქ. N7, ქ. თბილისის მერია, მე-15 სართული, ქ. თბილისის მერიის მუნიციპალური შესყიდვების საქალაქო სამსახური.

6. კონკურსი ჩატარდება 2013 წლის 29 მარტს 12:00 საათზე, შემდეგ მისამართზე: ქ. თბილისის მერია, ჟ. შარტავას ქ. N7, ქ. თბილისის მერია, მე-15 სართული, ქ. თბილისის მერიის მუნიციპალური შესყიდვების საქალაქო სამსახური.

7. კონკურსანტს უფლება აქვს წარმოადგინოს შესყიდვის ერთი ან რამდენიმე ვარიანტი ყველა ლოტზე.

## საკონკურსო პირობები

1. ქ. თბილისის მერია (მის: ქ. თბილისი, ჟ. შარტავას ქ. N7), ქ. თბილისის ბიუჯეტის სახსრებით აცხადებს კონკურსს ქ. თბილისში ქუჩის მიმართულებისა და ნუმერაციის აღმნიშვნელი მაჩვენებლების ესკიზის შესყიდვაზე და იწვევს კონკურსში მონაწილეობის მისაღებად ყველა დაინტერესებულ პირს (როგორც ფიზიკური, ასევე იურიდიული პირი).

2. კონკურსის მიზანია - ქუჩის მიმართულებისა და ნუმერაციის აღმნიშვნელი მაჩვენებლების ესკიზის შექმნა.

3. შესყიდვის ობიექტი:

- **ლოტი I** - ძველი თბილისის რაიონში ქუჩის მიმართულების აღმნიშვნელი მაჩვენებლების ესკიზის (დგარით) შედგენა.
- **ლოტი II** - ძველი თბილისის რაიონში ქუჩის ნუმერაციის აღმნიშვნელი მაჩვენებლების ესკიზის შედგენა.
- **ლოტი III** - ქ. თბილისის დანარჩენ რაიონებში ქუჩის მიმართულების აღმნიშვნელი მაჩვენებლების (დგარით) ესკიზის შედგენა.
- **ლოტი IV** - ქ. თბილისის დანარჩენ რაიონებში ქუჩის ნუმერაციის აღმნიშვნელი მაჩვენებლების ესკიზის შედგენა.

4. საკონკურსო პრემიის (მათ შორის ესკიზის შედგენის და საავტორო უფლებების გადაცემის) ოდენობა ლოტების მიხედვით შეადგენს (ბიუჯეტთან ანგარიშსწორებას უზრუნველყოფს შემსყიდველი):

- **ლოტი I** - 1500 ლარი.
- **ლოტი II** - 1000 ლარი
- **ლოტი III** - 1000 ლარი
- **ლოტი IV** - 500 ლარი.

5. კონკურსში მონაწილეობის საფასური:

5.1 საკონკურსო წინადადების წარდგენისთვის პირი იხდის საფასურს კანონის 191 მუხლის პირველი პუნქტით დადგენილი ოდენობით (50 ლარი). საფასური გადაიხდება სააგენტოს ანგარიშზე, რომელიც მითითებულია სააგენტოს ოფიციალურ ვებგვერდზე ([www.procurement.gov.ge](http://www.procurement.gov.ge)).

5.2. საფასურის გადახდის დამადასტურებელ დოკუმენტში მითითებული უნდა იყოს:

ა) გადახდის დამადასტურებელი დოკუმენტის უნიკალური ნომერი და გადახდის თარიღი;

ბ) შემსყიდველი ორგანიზაციის დასახელება და საიდენტიფიკაციო კოდი;

გ) კონკურსანტის დასახელება და საიდენტიფიკაციო კოდი;

დ) საკონკურსო განცხადების სააგენტოს ოფიციალურ ვებგვერდზე გამოქვეყნების შედეგად განცხადებისთვის მინიჭებული უნიკალური ნომერი.

პირის მიერ 5.2 პუნქტით გათვალისწინებული მონაცემების დარღვევით გაცემული დოკუმენტის წარდგენის შემთხვევაში პირის საკონკურსო წინადადება ექვემდებარება დისკვალიფიკაციას.

6. საკონკურსო წინადადება, რომელიც არ შეიცავს საფასურის გადახდის დამადასტურებელ შესაბამის დოკუმენტს არ განიხილება.

7. დაგვიანებით წარმოდგენილი საკონკურსო წინადადება გაუხსნელად დაუბრუნდება კონკურსანტს.

8. წარმოდგენილი საკონკურსო წინადადება მოქმედებს კონკურსში გამარჯვებულ კონკურსანტთან ხელშეკრულების დადებამდე.

9. საკონკურსო წინადადებით წარმოდგენილი ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარმოდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

10. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

11. საკონკურსო წინადადებით წარმოდგენილი ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ (საჭიროების შემთხვევაში წარმოდგენილ უნდა იქნას მინდობილობა ან რწმუნებულება).

12. კონკურსი ჩატარდება 2013 წლის 29 მარტს 12:00 საათზე, შემდეგ მისამართზე: ქ. თბილისის მერია, ჟ. შარტავას ქ. N7, ქ. თბილისის მერია, ქ. თბილისის მერიის მუნიციპალური შესყიდვების საქალაქო სამსახური.

13. დაინტერესებულმა პირებმა საკონკურსო წინადადება (ერთ დალუქულ კონვერტში) და საფასურის გადახდის დამადასტურებელი დოკუმენტი უნდა წარმოადგინონ 2013 წლის 18 მარტის 10:00 საათიდან 2013 წლის 29 მარტის 12:00 საათამდე შემდეგ მისამართზე: ქ. თბილისი, ჟ. შარტავას ქ. N7, ქ. თბილისის მერია, ქ. თბილისის მერიის მუნიციპალური შესყიდვების საქალაქო სამსახური. კონკურსანტს უფლება აქვს წარმოადგინოს ესკიზის ერთი ან რამდენიმე ვარიანტი ყველა ლოტზე.

14. საკონკურსო პრემია გამარჯვებულ კონკურსანტს გადაეცემა შემსყიდველ ორგანიზაციასა და გამარჯვებულ კონკურსანტს შორის ხელშეკრულების გაფორმების და შესაბამისი ყველა საავტორო უფლებების ქ. თბილისის მერიის საკუთრებაში გადაცემის შემდეგ არაუგვიანეს 90 (ოთხმოცდაათი) დღის განმავლობაში.

15. კონკურსანტის მიერ წარმოსადგენი საკონკურსო წინადადება უნდა მოიცავდეს:

- ტექნიკური დავალების შესაბამისად შედგენილ ქუჩის მიმართულებისა და ნუმერაციის აღმნიშვნელი მაჩვენებლების ესკიზ(ებ)ს, რომელსაც თან უნდა დაერთოს ამავე ტექნიკურ დავალებაში ჩამოთვლილი დოკუმენტები;
- რეკვიზიტებს დანართი #1-ის მიხედვით;

16. საკონკურსო წინადადების შეფასება განხორციელდება შემდეგი კრიტერიუმით:

- ესკიზ(ებ)ის ვიზუალური (გამომსახველობითი და ტექსტური ნაწილი) მხარე - კოეფიციენტი - 1,0.

საკონკურსო წინადადება შეფასდება საკონკურსო პირობებში ჩამოყალიბებული კრიტერიუმებისა და ამ კრიტერიუმების პრიორიტეტულობის კოეფიციენტების მიხედვით. კონკურსანტი გამარჯვებულად ჩაითვლება, თუ მას საკონკურსო კომისიის წევრთა მიერ მიენიჭება ყველაზე მაღალი ჯამური ქულა. ქულათა თანაბრად განაწილების შემთხვევაში გადამწყვეტია საკონკურსო კომისიის თავმჯდომარის მიერ მინიჭებული ქულა.

17. კონკურსი ტარდება „სახელმწიფო შესყიდვების შესახებ“ საქართველოს კანონის და „კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2011 წლის 10 თებერვლის N3 ბრძანების შესაბამისად.

18. კონკურსთან დაკავშირებული განმარტებების მიღება კონკურსანტს შეუძლია საკონკურსო კომისიის აპარატში. ქ. თბილისი, ჟ. შარტავას ქუჩა #7, მე-15 სართული. საკონტაქტო პირი: მაია კვარაცხელია ტელ: +99532 237-85-68

## ტექნიკური დავალება

ესკიზი უნდა ასახავდეს ქუჩის მიმართულებისა და ნუმერაციის აღმნიშვნელი მაჩვენებლების სპეციფიკაციას და მის დანიშნულებას. მან უნდა შექმნას პოზიტიური ემოციური ფონი, უნდა იყოს ორიგინალური, საინტერესო და მარტივად დასამახსოვრებელი.

ქუჩისა და ნუმერაციის აღმნიშვნელი მაჩვენებლების ესკიზი უნდა შეიცავდეს:

ა) ესკიზის ორიგინალი (შესრულებული ხელით), მისი ფოტო და ელექტრონული ვერსია;

ბ) ესკიზი დეტალურად ყველა ფერის და ზომის მითითებით;

გ) განმარტებითი ბარათი ესკიზის შექმნისას ავტორის ჩანაფიქრის შესახებ;

დ) გამოსაყენებელი მასალებისა *(ეს უკანასკნელი უნდა შეიცავდეს ინფორმაციას აგრეთვე სპეციალური საღებავის ან სხვა საშუალების შესახებ, რომელიც უზრუნველყოფს ქუჩის მიმართულებისა და ნუმერაციის აღმნიშვნელი მაჩვენებლების ნათებას ღამის განმავლობაში)* და ესკიზის განსახორციელებლად საჭირო ყველა დეტალის ზუსტ მითითებას.

### შენიშვნა:

- გამარჯვებული ესკიზის გარდა კონკურსზე წარმოდგენილი ყველა ესკიზი კონკურსში მონაწილე(ებ)ს დაუბრუნდება კონკურსის შედეგების გამოცხადებიდან არაუგვიანეს 10 დღისა.

რეკვიზიტები:

კონკურსანტის იურიდიული ფორმა და დასახელება:

ხელმძღვანელის სახელი და გვარი:

კონკურსანტის იურიდიული ან/და ფაქტიური მისამართი:

საიდენტიფიკაციო კოდი:

კონკურსანტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშსწორების ანგარიში:

კონკურსანტის ხელმოწერა \_\_\_\_\_

ბ.ა.

**ხელშეკრულება სახელმწიფო შესყიდვის შესახებ პროექტი**

*ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს კონკურსში გამარჯვებულ კონკურსანტთან ხელშეკრულების გაფორმების პროცესში.*

**ქ. თბილისი**

--. --. 2013 წ.

ერთის მხრივ ქ. თბილისის მერია, წარმოდგენილი ქ. თბილისის მერიის ----- სახით (შემდგომში "შემსყიდველი") და მეორეს მხრივ „-----“, წარმოდგენილი მისი დირექტორის ----- სახით (შემდგომში „მიმწოდებელი“), საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ შემდეგზე:

**შემსყიდველმა ჩაატარა კონკურსი**

*ქ. თბილისში, ქუჩის მიმართულებისა და ნუმერაციის აღმნიშვნელი მაჩვენებლების ესკიზის (შემდგომში მისი განხორციელების მიზნით) დამზადების მომსახურების შესყიდვაზე, რომელშიც გამარჯვებულად მიჩნეულ იქნა მიმწოდებლის საკონკურსო წინადადება.*

**1. ხელშეკრულების საგანი**

*1.1 ქ. თბილისში, ქუჩის მიმართულებისა და ნუმერაციის აღმნიშვნელი მაჩვენებლების ესკიზის და აღნიშნულ ესკიზზე ყველა შესაბამისი საავტორო უფლებების ქ. თბილისის მერიის საკუთრებაში გადაცემა.*

**2. ხელშეკრულების ღირებულება**

- 2.1. ხელშეკრულების ღირებულება განისაზღვრება ლარში.  
 2.2 ხელშეკრულების საერთო ღირებულება შეადგენს ----- ლარს.  
 2.3 ბიუჯეტთან ანგარიშსწორებას უზრუნველყოფს შემსყიდველი.

**3. ანგარიშსწორება**

- 3.1 ანგარიშსწორება მოხდება ლარში.  
 3.2 გადახდის ფორმა – უნაღდო.  
 3.3 ანგარიშსწორება განხორციელდება 2013 წლის თბილისის ბიუჯეტით, ქ. თბილისში ქუჩისა და ნუმერაციის აღმნიშვნელი მაჩვენებლების ესკიზის და აღნიშნულ ესკიზზე ყველა შესაბამისი საავტორო უფლებების ქ. თბილისის მერიის საკუთრებაში გადაცემის შესახებ მიღება-ჩაბარების აქტის გაფორმების შემდეგ არაუგვიანეს 30 დღის განმავლობაში.

**4. მხარეთა უფლება-მოვალეობანი**

- 4.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.  
 4.2 შემსყიდველი ვალდებულია:  
 4.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;  
 4.2.3. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს გაწეული მომსახურების ღირებულება.  
 4.3. შემსყიდველს უფლება აქვს:  
 4.3.1. განახორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვაზე;  
 4.4. მიმწოდებელი ვალდებულია:  
 4.4.1. ქ. თბილისის მერიას საკუთრებაში გადასცეს მედიათეკის ემბლემის ესკიზი და შესაბამისი ყველა საავტორო უფლებები;  
 4.4.3. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;  
 4.6. მიმწოდებელს უფლება აქვს:  
 4.6.1. მოსთხოვოს შემსყიდველს ხელშეკრულებით გათვალისწინებული თანხის ანაზღაურება.

**5. გათვალისწინებული გარემოებები („ფორს-მაჟორი“)**

5.1. მხარეები არ არიან პასუხისმგებელი თავიანთ ვალდებულებათა სრულად ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, კარანტინი, საბიუჯეტო ასიგნების მკვეთრი შემცირება, თუ ისინი უშუალო ზემოქმედებას ახდენენ ხელშეკრულების შესრულებაზე. აღნიშნულ შემთხვევებში

ვალდებულებების შესრულების ვადა შეიძლება გახანგრძლივდეს ხსენებული საგანგებო მდგომარეობების და ბუნებრივი უბედურებების არსებობის პერიოდით.

5.2. მხარე, რომელსაც შეექმნა ფორს-მაჟორის გარემოება, დაუყონებლივ აცნობებს ამის შესახებ მეორე მხარეს.

5.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება კომპენსაციის მოთხოვნის უფლების გარეშე.

## **6. ხელშეკრულების შეწყვეტა მისი პირობების შეუსრულებლობის გამო**

6.1 შემსყიდველს უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს მიმწოდებელს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად:

- ა) თუ მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) მიმწოდებლის გაკოტრების შემთხვევაში;
- დ) საქართველოს კანონმდებლობით გათვალისწინებულ სხვა შემთხვევებში;

## **7. სადაო საკითხების გადაწყვეტა**

7.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

7.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არ არის გათვალისწინებული.

## **8. გამოყენებული სამართალი**

8.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

## **9. ურთიერთობა ხელშეკრულების დამდებ მხარეებს შორის**

9.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპუშის, ტელექსის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

## **10. ხელშეკრულების ძალაში შესვლა**

10.1 ხელშეკრულება ძალაში შედის მხარეთა მიერ მისი ხელმოწერის თარიღიდან და მოქმედებს -----.

## **11. სხვა პირობები**

11.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

11.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

11.3 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

11.4 გამარჯვებული კონკურსანტის მიერ წარმოდგენილი საკონკურსო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

11.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

## **12. მხარეთა იურიდიული რეკვიზიტები**

შემსყიდველი:

მიმწოდებელი:

-----

-----